



Comune di Quartu Sant'Elena
Comunu de Quartu Sant'Aleni

I.C. "Porcu Satta" – Classis 2^a C, 2^a E e 2^a F

A.S. 2023/2024

Quartu Sant'Aleni, su 14 de friaxu 2024

Progetu "Is parcus nostus" in lingua sarda

Su Parcu de Molentàrgius:

Casteddu est una tzitadi ùnica in totu su mundu, ca gai totu is pòpulus de su Mediterràneu nc'ant bìviu e donniunu de custus nc'at portau sa cultura sua fintzas a innoi. Est po custu chi Casteddu est arrica de stòria e luxit cun una bellesa stravanada: dònna pòpulu chi beniat faiat a connosci sa cultura sua e s'arti, aciungendi elementus nous a su chi gai nci fiat, in su tempus, de un'època a s'àtera.

Su parcu de Molentàrgiussi sterit po 550 ètarus de terrenu, apalas de sa praja de su Poetu, in is tzitadis de Casteddu e de Quartu Sant'Aleni. In su 1993 est diventau unu parcu naturali cun prus de 400 genias de matas, calincuna chi arriscat finsas de si sparessi, e 200 arratzas diferentis de pillonis. In su stàinu de is salinas ddoi nidant is mangonis, connotus finsas comentis a genti arrubia (gentarrùbia). Su stàinu de is salinas ddu imperànt gai de antigòriu po su sali, chi serbiat po is casteddàius e po is pòpulus chi ndi beniant de mari. Is Fenìcius ddu cumertziànt in totu su Mediterràneu, e apustis iant fatu sa pròpiu cosa is Romanus, is Pisanus e is Aragonesus. In sa tzitadi de su sali, cun is edifitzius industrialis, su teatru de is salinas, is bartzas a colori de arrosa e tanau, is domus, is magasinus e is depòsitus, innui s'arregolliat su sali, faendi spomporai s'àcua de mari. Po nci portai su sali imperànt is molentis: de custu ndi benit su nòmini de Molentàrgius.